



Број:

Sarajevo, 22. 10. 2020.

Sastanak Grupe 12+

19. oktobar 2020. godine

(sastanak na daljinu)

Predsjedavajući Delegacije Parlamentarne skupštine Bosne i Hercegovine u Interparlamentarnoj uniji (IPU) Safet Softić učestvovao je na online sastanku Grupe 12+ 19. oktobra 2020. godine.

Dnevni red sastanka odnosio se na izbor kandidata Grupe 12+ za Predsjedništvo Interparlamentarne unije. Na sastanku su predstavljeni kandidati Grupe 12+ za predsjedavajućeg Interparlamentarne unije. Na ranijim sastancima Grupe 12+ odlučeno je da Grupa ide na izbore za predsjedavajućeg IPU-a s jednim kandidatom.

Predstavljena su dva kandidata, Salma Ataullahjan iz Kanade i Duarte Pacheco iz Portugala. Nakon njihovog predstavljanja, predstavnici članica Grupe postavljali su pitanja kandidatima o njihovim ciljevima i planovima ukoliko budu izabrani za predsjedavajućeg IPU-a, planovima u pogledu mladih parlamentaraca u IPU-u, o stanju s pandemijom koronavirusa u zemljama članicama i vakcinama, kao i o tome kako se boriti s pandemijom na globalnom nivou.

Nakon što su kandidati dali odgovore na postavljena pitanja, uslijedilo je glasanje za kandidata Grupe 12+ za predsjedavajućeg IPU-a. Za kandidata za predsjedavajućeg IPU-a u ime Grupe 12+ izabran je Duarte Pacheco iz Portugala koji trenutno obavlja funkciju predsjedavajućeg Grupe 12+. Kandidatkinja iz Kanade Salma Ataullahjan nastavila je svoju kandidaturu za predsjedavajuću Interparlamentarne unije bez podrške zemalja članica Grupe 12+.

Izvještaj pripremila:

Naida Mulalić

Izvještaj odobrio:

Safet Softić

Dostaviti:

- Kolegiju Predstavničkog doma PSBiH
- Kolegiju Doma naroda PSBiH
- Kolegiju Sekretarijata PSBiH
- članovima Delegacije PSBiH u IPU-u
- Komisiji za vanjske poslove Predstavničkog doma PSBiH
- Komisiji za vanjsku i trgovinsku politiku, carine, saobraćaj i komunikacije Doma naroda PSBiH
- Sektoru za odnose s javnošću PSBiH
- Sektoru za međunarodne odnose i protokol PSBiH

Kopija: Ministarstvo vanjskih poslova BiH